

MAGNESIA USTA.

Magnesia alba uritur in crucibulo, donec cum acidis dilutis non effervescat, et in vitro, sollicite clauso, servatur.

MEL DEPURATUM.

Rec. *Mellis* libras sex, p. 1.

Aquæ destillatæ libras duodecim . . . p. 2.

Aqua cum *Albumine Ovorum* sex in spumam agitata, cum Melle semel ebullit, quo facto liquor, per pannum laneum trajectus, evaporando in balneo vaporis, ad pondus specificum 1.44 redigitur. Loco frigido servatur.

MEL ROSÆ.

Rec. *Rosæ domesticæ petalorum* siccatorum unciam, p. 1.

Aquæ destillatæ uncias sex p. 6.

Macerantur per duodecim horas, et liquori colato admiscetur

Mellis depurati libra p. 12.

Servatur loco frigido.

MERCURIUS PRÆCIPITATUS ALBUS.

Submurias ammonico-hydrargyricum.

Mercurius cosmeticus.

Rec. *Chloreti hydrargyrici corrosivi*,

Salis ammoniaci depurati, singulorum partes æquales.

In *Aquæ destillatæ* pondere octuplo solvuntur; quo facto solutioni colatæ

Solutio Carbonatis kalici

additur, quamdiu aliquid præcipitatur. Quod fundum petit, a liquido separatum et Aquâ destillatâ non calidâ ablutum, siccatur et servatur.

§ MIXTURA ARSENICALIS FOWLERI.

Mixtura mineralis Fowleri. Solutio-
nis Arsenitis kalicæ loco.

- Rec. *Arsenici albi pulverati*,
Carbonatis kalici puri, singulorum grana
 sedecim, p. 4.
Aquæ destillatæ uncias duas p. 240.
 Coquantur in vase vitreo, donec Arsenicum
 solutum sit. Solutioni refrigeratæ admiscuntur
Spiritus Lavendulæ drachma, p. 15.
Aquæ destillatæ tantum,
 ut liquidum pondus unciarum quattuor (p. 480)
 habeat. Cautissime asservatur.
-

§ MIXTURA MERCURIALIS.

Solutio Muriatis hydrargyrici cor-
rosivi.

- Rec. *Chlorethi hydrargyrici corrosivi*,
Salis ammoniaci depurati, singulorum gra-
 na sex, p. 1.
 Solvuntur in
Aquæ destillatæ unciis decem p. 800.
 Solutioni colatæ adduntur
Syrupi Sacchari unciae duæ p. 160.
 Vase clauso caute servatur.
-

MIXTURA PYROTARTARICA CAMPHO- RATA.

Mixtura diatrion vel simplex.

- Rec. *Acidi sulphurici diluti* unciam, . . . p. 4.
Liquoris pyrotartarici uncias tres, . p. 12.
Solutionis Camphoræ spirituosæ uncias
 quinque p. 20.
 Mixta

Mixta tinguntur

Myrtilli baccarum drachmis duabus; p. 1.
deinde colantur.

MORPHINA.

§

Rec. *Opii levantici* concisi libram, p. 6.

Aquæ destillatæ libras tres p. 18.

Macerantur sæpius agitando per biduum; quo
facto liquor defunditur et massa residua cum

Aquæ destillatæ libris tribus p. 18.

denuo maceratur; quod, liquore defuso, tertium
etiam fit vel donec Opium exhaustum sit.

Liquores commixti balnei vaporis calore ad
pondus specificum 1.02—1.03 rediguntur; tum
colantur. Colaturæ claræ adjicitur inter agitan-
dum solutio e

Bicarbonatis kalici unciiis duabus . . . p. 1.

et *Aquæ destillatæ* unciiis decem p. 5.

confecta. Mixture, per dies aliquot seposita,
iterum colatur, et liquor clarus per horæ qua-
drantem ebullit; quo facto per dies quattuor
iterum seponitur.

Morphina, post hæc excreta, colligitur et ope

Acidi sulphurici diluti, guttatim et inter
agitandum addendi,

in *Aquæ destillatæ* libra p. 6.

solvitur. Solutio clara et paullum acida, ad-
mixtâ

Spiritus concentrati librâ, p. 6.

cum *Carbonis animalis* tanta copia, quanta suf-
ficit ad decolorandum,

digeritur et, denuo colata, cum

Ammoniaci caustici tanta copia

miscetur, ut id leniter excedat. Tum in vase
aperto per aliquot dies seponitur, ut Ammonia-

cum excedens avolet; deinde Morphina deposita colligitur et Aquâ destillatâ lavatur. Siccata servatur. Liqueor ille, qui Morphinam deposuit, vaporando novam ejus tradit copiam.

Si non plane alba est, repetitâ e Spiritu concentrato crystallisatione purificatur.

MORSULI AROMATICI.

Rec. *Sacchari albi* libram; p. 288.
cum *Aquæ destillatæ* parva copia
incoquitur, donec gutta excepta indurescat; tum
adjiciuntur

Zingiberis radices pulveratæ scrupulus, p. 1.

Cinnamomi ceylanici corticis contusi uncia
dimidia, p. 12.

Amygdalarum dulcium decorticatarum et
minutim concisarum,

Conditi Aurantii concisi, singulorum un-
cia p. 24.

Fiunt morsuli.

MORSULI CITRICI.

Rec. *Sacchari albi* pulverati uncias quatuor; p. 8.
leniter calefactis adjicitur

*Citri Succ*i uncia dimidia p. 1.

Fiunt morsuli.

MORSULI STIBIATI.

Morsuli antimoniales vel restaurantes
Kunkelii.

Rec. *Cinnamomi ceylanici corticis* pulverati drach-
mas duas, p. 1.

Sulphureti stibici præparati unciam dimidiam, p. 2.

Amygdalarum dulcium, decorticatarum et minutim concisarum, unciam . p. 4.

Miscentur cum

Sacchari albi, in *Aquæ destillatæ* quantitate sufficiente soluti et ad debitam spissitudinem cocti, unciis septem p. 28.

Formantur inde morsuli æquales sedecim.

MUCILAGINES.

Non nisi ad usum parantur.

MUCILAGO CRETACEA.

Potio cretacea.

Rec. *Sacchari albi* pulverati drachmam et semis, p. 3.

Gummi arabici pulverati,

Cretæ præparatæ, singulorum drachmas duas, p. 4.

Aquæ destillatæ uncias sex p. 96.

Teruntur pulveres mixti cum parva *Aquæ* parte in pulvem tenuem, illâ, quæ superest, *Aquæ* copiâ diluendam.

MUCILAGO CYDONIORUM.

Rec. *Cydoniorum seminum*, aquâ aliquoties elotorum, drachmam p. 1.

Vitro injectis affunduntur

Aquæ Rosæ unciae octo p. 64.

Fit per quartam horæ partem quassando mucilago, quæ per linteum exprimendo colatur.

MUCILAGO GUMMI ARABICI.

Rec. *Gummi arabici* pulverati unciam, . . p. 1.

Aquæ destillatæ uncias duas p. 2.

Gummi cum Aqua, paullatim instillata, in mortario vitreo teritur, donec in mucilaginem abierit.

MUCILAGO SALEB.

Rec. *Saleb radiceis* pulveratæ drachmam, p. 1.

Aquæ destillatæ frigidæ uncias duas p. 16.

In mortario vitreo contritis et dein in lagenam capacem inditis adduntur

Aquæ destillatæ ferventis uncia decem p. 80.

Mixta conquassantur, donec refrikerint.

Satpulerograt Hoffmanni

NITRAS ARGENTICUS. *Ag H*

Argentum purum

in *Acido nitrico diluto*

solvitur; solutio, si necesse est, colanda, ope balnei vaporis ad siccum vaporat. Massa sicca in patina porcellanea supra balneum arenæ liquata habetur, quamdiu ferveat; effunditur deinde et post refrigerationem in vase opaco, clauso, servatur.

Si autem massa liquata in fistulas ferreas idoneas secundum leges artis effunditur,

NITRAS ARGENTICUS IN BACILLIS,

Causticum lunare vel Lapis infernalis, vocatur.

NITRAS KALICUS DEPURATUS.

Nitrum depuratum.

Rec. *Nitri crudi* quantum placet;

in *Aquæ destillatæ* quadruplo pondere